



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Urbani VIII. Constitut. CCLXVII. Confirmatio, moderatio, & declaratio Bullæ Clem. VIII. de largitione Munerum.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

alio quocumque officio fungente , aut à Conventu , Capitulo , vel Congregat , sive ab universo Ordine , & Religione quicquam receperint , id quod acceperint suum non faciant . Verum ipso facto absque alia monitione Judicis , Decreto , Sententia , aut declaratione , ad illius restitutionem omnino in utroque foro teneantur , adeo ut restitutione ipsie realiter non facta , neque etiam in foro conscientie absolvi possint . Hanc autem restitutionem fieri volumus non privatim ei Religioso , qui donavit , sed ei Monasterio , Domui , vel alteri loco de cuius bonis facta est largitio , vel si non de eis bonis donatum est , in quo idem Religiosus donans professionem emisit , vel si nomine totius Capituli , Conventus , aut Congregationis , vel universi Ordinis , seu Religionis donatio facta extiterit , pariter communi Mensæ , aut Massæ cuius nomine donatum fuerit accepta munera restituantur , ita ut nec qui donavit , nec Conventus , Capitulum , Congregatio , Ordo , aut Religio , cui restitutio facienda est , illam remittere , & iterum donare , aut recipientem ab obligatione restituendi eximere , vel ut in pauperes eroget concedere quoquomodo possit .

§. 8. Quod si quis ex supradictis Regularibus utriuslibet sexus , cuiuscumque gradus , ordinis , dignitatis , ac cibilibet locorum existentibus , conjunctim cum ceteris , seu divisim nostrarum hujusmodi prohibitionum , statutorum , ordinationum , iussionum , decretorum , mandatorum transgressor fuerit , statuimus , ut omnibus , & singulis per eum obtentis dignitatibus , gradibus , munieribus , & officiis eo ipso privatus , ac ad illa , & alia similia , vel dissimilia in futurum obtinenda inhabilis perpetuo , & incapax , ac perpetua infamia , & ignominia notatus existat . Et præterea privationem vocis activæ , & passivæ absque ullo Superioris Decreto , aut Ministerio ipso facto incurrat ; necnon ultrà hujusmodi penas , etiam tamquam contra furti , & simoniae criminum reum tam per viam denunciationis , accusationis , aut querele , quam etiam ex officio procedi , & inquire , condignisque suppliciis affici debeat . Penes alias à jure statutis , ac per alias Constitutiones Apostolicas , aut propria cuiusvis Ordinis , Congregationis , Monasterii , Domus , aut Loci , statuta , vel consuetudines contra personas aliquid premissorum committentes forsitan decretis , & inflatis , nihilominus in suo robore permanfuris .

§. 9. & 10. (*Deputati Executores , & contrariis derogat .*)
Dat. Romæ in Monte Quirinali anno Incarnationis Dominice 1594. 13. Kal.
Julii Pontificatus Anno tertio . Bullar. tom. 3. pag. 40.

Urbani VIII. Constit. CCLXVII.

Confirmatio , moderatio , & declaratio Bullæ Clem. VIII.
de largitione Munerum .

URBANUS EPISCOPUS &c.

Nuper à Congreg. nonnullorum Rom. Cur. Prælator. cor. dilecto filio nostro Antonio Tit. S. Petri ad Vincula Presbytero Cardinali S. Honuphrii nuncupato Majori Penitentiario , ac nostro in Alma Urbe Provicario in Spiritualibus Generali , à Nobis deputata , emanavit declar. tenoris subsequent. videlicet .

§. 1. Cum circa interpretationem Constitutionis fel. rec. Clementis VIII. sub datum

tum 13. Kal. Julii Pontificatus sui Anno tertio de largitione munierum Regularebus utriusq; sexus interdicta, nonnullas difficultates, & ambiguitates sint extortæ; Congregatio specialiter à SS. D. N. Urbano Divina Providentia Papa VIII. cor. Eminentiss. Cardinali S. Honuphrii Majori Pœnitentiario, ac Urbis Provicario deputata, auctoritate sibi attributa declaravit, & declarat, munera à Religiosis utriusque sexus tribui posse ex causis gratitudinis, conciliationis benevolentiae, ejusque conservationis erga ipsam Religionem, vel Conventum, aliisvè causis ex sua natura actum virtutis, & meriti continentibus, modestè tamen, ac discretè, & dummodò id non fiat, nisi de Superiorum localium licentia, ac etiam cum consensu majoris partis Conventus, si talis consensus de jure, vel ex Constitutionibus, seu consuetudinibus cuiusque Religionis respectivè, in hujusmodi casibus requiratur. Consensum verò Conventus in §. 3. ejusdem Constitutionis ad leviora esculerita, aut poculenta, seu ad devotionem, & religiositatem pertinentia munuscula largienda, &c. requisitum, intelligi debere de consensu alias de jure requisito, & ubi concurrit ambitionis suspicio, qua celsante, nec in his requiri licentiam Superiorum in scriptis in §. 4. ejusdem Bulle requisitam, sed sufficere licentiam etiam oretenuis eisdem concessam declarat. Commessationes autem, compotationes, & convivia in excipiendis, præser-tim Benefactoribus, Protectoribus, vel Ordinariis honorifice, & laute, de quibus in §. 5. & 6. ejusdem Constitutionis, censori tantummodo prohibita, si decentiae status Regularis adversentur. Restitutionem verò receptorum Conven-tibus faciendam, de qua in §. 7. ibidem cautum est, intelligi debere de Conven-tibus ad quos data, donata seu missa de jure pertinent, si id commode fieri potest, alias Conventui ejusdem Religionis viciniori loco, ubi petita fuit absolu-tio, restituantur. Insuper eadem facultate sibi tributa, omnes qui hucusque adversus supradictæ Constitutionis Capitula hic moderata largiti fuerunt, vel repererunt, à pœnis quibuscumque in eadem Constitutione inflictis, & incursis, posse, & debere à propriis confessariis absolvī in foro conscientiae etiam non fa-dā priùs hujusmodi rerum donatarum, seu datarum restitutione. Quoad eos verò, qui præter modum &c. transgressi sunt &c. ut de præteritisusque ad diem datae præsentium in foro conscientiae absolvat &c. Et ne prædictæ Clementis VIII. Constitutionis memoria dilabatur, Superiores locales cujuscumque Mo-nasterii, Conventus, Domus, & Collegii Regularis sub pœna privationis Offi-cii, vocisque active, & passivæ ipso jure incurren. efficere teneantur, ut in per-pe-tuum singulis annis mense Januario, non solum prædicta Constitutio (quam in reliquo ejus partibus eadem Sanctitas omnino observari jubet, & quatenus opus sit innovat, quemcumque prætentum non usum, aut prætentum usum, seu prætentam consuetudinem damnando, & irritando) verū etiam hoc Dec-cretum in aliqua publica Congregatione, vel saltem in publica Mensa per leg-atur. Omnibus tam Ecclesiasticis personis etiam Regularibus, quam Laicis cujuscumque sint Ordinis, conditionis, gradus, ac dignitatis etiam speciali nota dignis, & qui sub generali dispositione non comprehendenderentur, prædi-ciam Clementis Constitutionem contra præsentis Decreti tenorem, decla-randi, vel interpretandi facultate penitus interdicta, super quibus, &c.

§. 2. Quapropter, ut præmissa firmius subsistant, & inviolabiliter obseruentur quantum cum Domino possimus providere volentes, Motu proprio, & ex cer-

Cc 4 ta

ta scientia, ac matura deliberatione nostris, deque Apostolice potestatis plenitudo, declarationem præsertam cum omnibus, & singulis in ea contentis tenore præsentium perpetuo confirmamus, & approbamus illisque inviolabilis Apostolicae firmitatis robur adjicimus, &c. illaque inviolabiliter ab omnibus, ad quos spectat, & spectabit in futurum observari.
§. 3. & 4. (Sequitur clausula sublata, & derogatio contraria dicitur.)

Dat. Romæ &c. 16. Octob. 1640. Pontific. Anno XVIII. Bullar. 10. 5. pag. 379.

ADNOTATIONES.

E IQUE P E R S U P E R I O R E S C O N C E S S A E F U E R I N T .

Quamquam Clemens Papa VIII. hac Constitutione, aliisque saluberrimis generalibus Decretis, & Pontifices successores pro collapsa disciplina regulari restituenda plurimum infusa verint, adhuc humana fragilitas nititur in vetitum, & quod deterius est amplectitur.

1. *Navar. in commen. cap. non dicatis 12. quæst. 1. & in consil. 17. de stat. Monach. tenet quod Regulares non obstante Concilii dispositione possint habere peculium, seu annuos redditus ad suos honestos usus. de Superiorum licentia, dependenter tamen ab eorum voluntate: hanc Navarri opinionem sequuntur Barbos. de Offic. & Potest. Episc. alleg. 103. n. 6. Tambur. de jur. Abbat. tom. 2. disp. 22. qu. 5. num. 7. & de jur. Abbatis disp. 8 quæst. 1. n. 13. Nicol. lucubr. can. lib. 3. tit. 31. de regul. n. 15. ampl. 1. Passerin. de stat. homin. tom. 1. quæst. 186. art. 7. à n. 332. ad 341.*

2. *Verum opinionem istam semper à Sac. Congreg. Concilii pluribus Decretis (quæ refert) fuisse reprobata, latè, donecque ostendit Fagnan ejusdem Sac. Congreg. Secretarius in c. Monach. de stat. Monach. & probat. num. 50. non licere Regularibus habere usum mobilium, seu peculii superflui etiam de licentia Superioris, & dependenter ab illius voluntate, ac nutu, neque propter dictam licentiam eos excusari à culpa, vel à pena ipso facto incurrenda, in Decretis Clement. VIII. comminatis, ut prosequitur n. 68. 69. & seqq. Quæ Decreta iterum innovavit Urban. VIII. sua Constat. 26. Bullar. tom. 4. pag. 267. & seq.*

3. *Tenen dum igitur firmiter est, quod*

Regulares utrinque sexus neque de Superioris permissione habere possunt, & tenere superflua, ut munera, & dona elargiantur, aut expendant etiam in usus licitos: neque audiendi sunt Authors Regulares præsertim recentiores studiosi lectores laxiorum opinionum, qui revertunt cupiunt Tridentini dispositionem (per votices à Sac. Congr. & Summis Pontificibus innovatam, & declaratam;) & Superiores, ac etiam subditos. Regulares in periculum salutis conantur adducere, quos merito non sequitur Donat. prax. rer. Regul. 10. 4. tr. 15. q. 10. & 23.

4. *In Monasteriis igitur præsertim Monialium, in quibus, vel ob nimiam paupertatem, vel ob incuriam, & negligientiam Superiorum non potest introduci, & observari vita communis, omnia undcumque quæsita (prout nostra Constitutio præcipit) in bursam Monasterii, seu Capitam Depositum conferenda sunt, & registranda, ac nomine Monasterii exigenda; & exinde, ut Monialibus exhibitis de necessariis ad vitam provideatur, eidem eleemosynaliter de licentia Abbatis per Depositariam tradi debent, sive pecunia sit, sive aliud mobile: ita enim eo modo quo potest servatur votum paupertatis, & tollitur occasio proprietatis, ut tradit. Donat. ubi suprà quæst. 11. n. 7. & quæst. 20. num. 1. & 2. ubi refert Decretum Sac. Congr. Visitacionis Apostolicæ emanatum 13. Julii 1627. pro Conventionalibus Monasterii SS. Duodecim Apostolorum Urbis, & firmat quod Monialis, quæ pecunias, resque suas non depositar apud communem Depositariam Monasterii, sit vere proprietaria, & qu. 19. idem confirmat. Et latius dixi in Adnot. ad Formul. XX. Tit. XI. de Monial. num. 4. 5. & 6.*

5. Par-

5. Partitæ autem d. Capitæ Communis per computum separatum sic inscribi debent --- *Il Monastero deve haver da se per conto di Suor N. studi...* prout Sac. Congregat. Episcop. rescriptit Archiepiscopo Barense 2. Octobr. 1595. cui totam pecuniam provenientem ex Monialibus particularibus in Capsam communem depoñendam esse injunxerat, quoties Moniales ex causis supradictis ad vitam communem reduci non possent, & iterum ita fieri iustit generaliter 4. Februar. 1678. Chrisp. de Visit. §. 42. num. 40.

6. Sub hac Constitutione, qua munera largitio interdicitur, comprehenduntur etiam Novitiæ utriusque sexus, prout declaravit *Sac. Congreg. Episcoporum S. Severini* 23. Julii 1603. quod est contra Cherubin. in compend. Bullar. ad hanc Constit. Schol. 1. & alios ab eo allegatos, quod Decretum ex Secretaria per me extractum, refert quoque Nicol. lucubr. ci-vil. lib. 2. tit. 7. donat. post n. 13. vers. secundo notandum in fin.

7. Et quod Regulare non possint utili-
velli nisi servata forma hujus Constitutionis, declaravit ead. *Sac. Congr. Episc.* in Florentina 21. Julii 1690. ad relationem clar. mem. Card. Petrucci.

8. In terris autem Infidelium, & Hæreticorum datur Indultum etiam Religiosis Min. Observ. retinendi bona stabilia donata, nomine Sedis Apostolicæ, prout fuit concessum à *Sac. Cong. Episc.* facto verbo cum Sanctissimo Conventui S. Matræ Sempron. in Pannon: 13. Junii 1615.

9. *Vel susceptionis habitus regularis, aut professionis Monialium.* Hic prohibetur expressè missio munerum locorum Ordinariis, occasione receptionis habitus, vel professionis Monialium, quod jam paulò ante vetitum fuerat ab eadem *Sac. Congr.* in Aversana 22. Januarii 1591. his verbis --- *Non licet Episcopis cum Novitiae vestiuntur, vel professionem emitunt, à propinquis, vel ab alio quocumque dona tam commestibilia, quam linea, etiam parvi valoris accipere, neque ab Abbatis ingressu offici, sed ab eisdem commestibilia tantum in aliquibus solemnitatibus nomine totius Monasterii, etiam si antiquissima inoleverit consuetudo.*

10. Meminerint igitur Episcopi, aliivé Ordinarii, qui haec male servant, quod juxta tenorem hujus Constitutionis tenetur ad restitutionem, quatenus munera non commestibilia, & præter formam alterius Bullæ Urbani Octavi moderatoriæ supra relatae recipiant; adeò ut neque à Summo Pœnitentiario (si munus summam scutorum decem excedat) absolví possint nisi facta restitutione, prout patet ex novissima Constitut. Innoc. XII. declaratoria facultatum Cardinalis Pœnitentiarii, emanata de anno 1692. in qua sic habetur --- *Munera à Regularibus contra rec. mem. Clementis Papæ VIII. pariter prædecessoris nostri Anno Incarnationis prefatæ 1594. tertiodécimo Kal. Julii editam Constitutionem, ultra valorem decem scutorum monetæ, recipientes, exceptis rerum medicinalium, seu devotionis muniberis, ante factam restitutionem non absolvat, nec mandet absolvī; infra verò prædictum valorem nonnisi facta arbitrio ipsius Majoris Pœnitentiarii, seu per eum eligen-di Confessarii elemosyna, quæ in beneficium Religionis, seu Conventus, cui de jure facienda esset restitutio, si cauē fieri potest, erogetur, absolvat, seu mandet absolvī, Hollæct. Bullar. pag. 61.*

11. Et quia agimus de Regularium servanda paupertate, hic te monitum, ac instructum volo, quod Regulares vulgo nuncupati Crociferi Sancti Spiritus in Saxia de Urbe, licet emittant vota solemnia sicuti cæteri Religiosi aliorum Ordinum, sub Regula S. Augustini eis data ab Innocentio III. ut patet ex *Constitut. 7. ejusdem Pontificis Bullar. nov. tom. 1.* & fint Religiosi, Tambur. de jur. Abbat. tom. 2. disp. 24. qu. 4. num. 35. Barbos. in *Summ. decis. Apostol. collect. 369. num. 3.*

12. Nihilominus quia vigore *Constitut. Sixti IV. la 12. §. 4. Bullar. tom. 1. pag. 350.* sunt capaces Beneficiorum Ordini unitorum, quæ aliis conferri non valent, possunt licet administrare, & retinere fructus eorumdem, ut dixit Rot. decis. 772. part. 1. divers. illosque in usus licitos, pios, & remuneratorios expendere, ut de hac re consultus respondit Navarr. volum. primo lib. 3. const. 13. de stat. Monac.

13. Et

13. Et hujus permissionis motivum est, quia ratam dictorum fructuum in usus certos, & præscriptos juxta dicti Ordinis Regulam impendunt, & reliquam sibi sumunt, ac retinent, tamquam suæ operæ, & laboris mercedem, & ob ministerium, & officium quod præstant, ut observat Barbos. de jur. Eccles. lib. 3. c. 7. n. 1. & 2.

14. Et quamquam super hac licita retentione, & libera administratione redditum dubitasset eximię pietatis olim Cardin. Petruccius, qui de anno 1693. ab Innoc. XII. Visitator Apostolicus fuerat deputatus; nihilominus re plenè, & matrare considerata in Congr. quatuor Cardinalium specialiter ad id ab eodem Pontifice deputata, unanimi Voto cum eodem Visitatore sub die 5. Julii 1696. decreverunt Regulares prefatos licite administrare, & retinere posse dd. redditus, & nihil esse innovandum --- dummodo pecunia erogentur in usus piis, & religiosos.

15. Pacta autem, & conditiones, quæ apponuntur in donationibus, aut legatis, quæ sunt particularibus Religiosis, cujuscumque Religionis (qui proprium retinere non possunt) à Consanguineis, seu extraneis personis, nempe quod neque fructus, neque proprietas rei donatae, vel legatae, nullo modo acquiratur Monasterio, sed Religioso, vivit, & tamquam turpes rejiciuntur; ut dicit Tondut. qu. benef. tom. 1. cap. 96. n. 35. ibi quia certum est legatum, aut donationem Monacho si fieri non posse, ut illius proprietas Monasterio non queratur, & si sub illa conditione fiat, talis conditio tamquam turpis rejicienda est, & habetur pro non scripta, Bartol. &c. Et ratio est, quia nullus Papa inferior potest facere Religiosum proprietarium, immo nec Papa, nisi dispenset in Voto paupertatis Donat. prax. rer. Regular. part. 4. trad. 15. q. 23. num. 1.

16. In receptione Novitiorum non est licitum Conventui exigere ab eis, vel eorum Consanguineis aliquam summam ultra mensuram alimentorum, sed servanda est dispositio juris, ut respondit Sacr. Cong. Concil. in Leodien. 26. Januar. 1697.

17. Neque possunt Religiosi professi testari, etiamsi ante professionem sibi ali-

quam summam suorum bonorum refer- vassent cum facultate testandi: quia est actus Domini, pro quo explendo deficit prorsus in eis habilitas, cum sit species novæ ultimæ voluntatis, ut docet Passerin. de stat. bon. tom. 1. qu. 186. art. 7. n. 540. his verbis --- Sed numquid saltem posset Religiosus testari, si ante professionem suam in suo Testamento reservavit sibi aliquam summam suæ possessionis cum facultate te- standi de illa? Hoc fieri non posse tenet Sanebez &c. Nam verè condere Testamentum est prorsus Religiosa prohibitum, unde nec potest reservare sibi facultatem testandi quasi nomine alieno, seu nomine sui secula- ris etiam de licentia Superioris, &c. Quicquid sit de voluntatis ambiguo declaratio- ne, juxta distinctionem traditam per Car- din. de Luc. de testam. disc. 35. n. 5.

18. Minores autem Observantes, tam de familia, quam Reformati (quicquid sit de legatis in genere per modum ele- mosynæ, & pro unica vice eis felictis, quæ in vim Bullæ Clement. VII. la 15. ut in fabricam Conventuum, vel usum Sa- cristie convertant, recipere possunt) sunt penitus incapaces legatorum perpetuorum, necnon illorum quæ sunt annexo onere Missarum, pro quibus non valent se se cum hæredibus legantibus, sive donan- tis componere, neque aliis vendere, & alienare, ut pretium erogent in usus prædi- stos; prout olim declaravit Congreg. Concilii specialiter deputata ab Urbano VIII. teste Fagnan. in c. nimis prava de excess. Prælat. num. 49. & 53. ubi Decreta per extensum refert, & nuper idem cen- fuit Sac. Congregat generalis in Firmana Beneplaciti 28. Februar. 1693. sed in his virtute privilegiorum succedit Fabrica S. Petri de Urbe, ut praxis docet, & Card. de Luc. in relat. Rom. Cur. disc. 20. n. 13.

19. Et hinc nota, quod pro cæteris le- gatis piis, aliis Regularibus, Capitulis, Ecclesiis, locis, & personis certis, & capacibus relictis, ac tempore debito non satisfactis; Episcopi tunc de jure communi, c. nos quidem, & cap. tua nobis de testam. Clem. quia contingit de Relig. dom. ium vigore Concili Trident. cap. 8. Ieff. 22. de refor. tua etiam tamquam Sedis Apo- stolicæ Delegati, sunt Executores: qui proin-

proinde si pro eorumdem legatorum executione , sive intra annum , sive post annum à die obitus Testatoris , Commissarios d. Fabricæ per venerint , non poterunt hi amplius se ingerere , neque Episcopos inhibere , & exturbare : quia Commissarii hujusmodi , harum piarum dispositionum sunt cum eisdem Episcopis Judices , & Executores subsidiarii cumulative , & non privative , ex traditis à Gallemart. *suprà d. cap. 8. Conciliis num. 1.* & in puncto advertit Card. de Luc. de *juris d. disc. 44. num. 3. ibi* --- Et cum Episcopis hodie concurrit Fabrica S. Petri ejusque Commissarius in iis locis , in quibus hoc Tribunal introductum est .

20. Neque dici potest , quod Episcopi , cum exequi non curaverint intra annum prædicta legata , privati remaneant cumulative , quia tunc solum hærede , seu Executore à Testatore dato per annum negligente , ad eos devolvitur execu-
tio , ut monent Cár. de Luc. *d. disc. 44. num. 4.* & alii ab eo allegati : Unde iapsus anni potius favet , quam obstat juri Episcoporum adversus prædictos Commissarios , qui cum non habeant peculiare privilegium , quod derogat expressè juri communi , ac dispositioni Concilii , nec aliter ullibi Episcopis jurisdictione in præmissis legatur ablata , perperam contendunt privativam habere .

21. Et licet verum sit , quod in legatis relictis pro malâ ablatis , vel exoneratione conscientiae , non possint Episcopi se intromittere , & si forte ea exegerint , valent à Fabrica vindicari , ut habetur in Compendio Privilegiorum ejusdem , Romæ impressorum anno 1676. *pag. 41. 43. 44. 45. & 48.* verum est quoque , quod in cæteris legatis supra expressis , datur inter Episcopos , & Commissarios Fabricæ etiam post annum præventio : hoc que clarescit non solum ex mox deductis ; sed ex facultatum , & privilegiorum lectura , in quibus pag. 5. sic habetur -- legata pia quæcumque in Urbe exequendi infra quindecim menses à die mortis Testatoris realiter non adimplēta , in quibus Vicarius Urbis non prævenerit , cum retentione quintæ partis san. mem. Pitt V. *Constit. 96.* ubi in notis marginalibus lit. Q.

adduntur hæc verba --- extra Urbem tam men proceditur post annum , Paul. 3. *Constit. 31. §. 11.* idest (retenta eadem modificatione in privilegio expressa in quibus Episcopi locorum non prævenerint : prout ad ita addendum , supplendumque huic notæ suadent , tūm ipsa rationis identitas , quæ militat favore Ordinarii Urbis : tūm sequentes juris regulæ , nempe . Prima , quod Papæ voluntas præsumitur esse qualis de jure esse debet , *cap. novit. de judic. Rot. coram Seraph. decis. 773. num. 17.* Secunda , quod privilegium est strictè interpretandum quando est contra jus commune , & contra jus tertii , *Tusch. litt. B. conclus. 50. num. 19.* Rot. coram Coccin. *decis. 1856. n. 9.* Tertia , quod respectu illius , qui jam habet jurisdictionem à jure , si jurisdictione alteri per privilegium , vel statutum concedatur , semper censetur data cumulative , & non privative , ut firmat Rot. coram Coccin. *decis. 316. n. 7.*

22. Nec subsistit in facto , quod Clemens Papa VIII. suis literis emanatis 28. Maii 1598. inhibuerit locorum Ordinariis , ne se intromittant in Causis legatorum piorum post jus quæsumum Reverendæ Fabricæ : Etenim Breve , quod ad hoc probandum per extensum addicitur in præfata privilegiorum compilatio-
ne pag. 99. nihil prorsus de hoc continet ; sed in eo datur solum commissio , & jurisdictione delegata Hieronymo de Mauro Commissario generali in Civitate Neapolitana , qua posset vocatis vocandis , Causas in quibus Fabrica S. Petri habet interest , & præjudicium , contra quoscumque cognoscere , fineque debito terminare , cum facultate etiam Episcopos eorumque . Vicarios generales Regni Neapolitanii (ad quos delegatio hujusmodi est restricta) inhibendi : quod certè est quid diversum à supposito per Compendiatorem privilegiorum facto ad Rubricam talis Brevis , quod scilicet Papa inhibuerit Ordinariis &c. quæ (nisi Breve legatur) potest incautos fallere : unde cautè legenda .

De-

Decreti pro Regularibus Ordinandis.

S U M M A R I U M .

1 Superiores Regulares non possunt suis subditis Dimissorias concedere nisi ad Episcopum Diocesanum, sed male servant.

- 2 Praefati Superioriores eludent Decretum Apostolicum, & n. 3.
- 4 Decreti pœnæ sunt Papæ reservatae.
- 5 Decreta Apostolica obligant in foro conscientie.
- 6 Episcopi non debent admittere ad Ordines Regulares, nisi eis constet de impedimento Diocesani.
- 7 Regulares ordinandi possunt ab Episcopo ordinante requiri sub jureamento, professionem sponte emisse.

DE mandato SS. D. N. Clementis Divina Providentia Papæ VIII. tenore præsentium mandatur omnibus, & singulis quorumcumque Regularium Superioribus, ut de cætero observent, & observari faciant ea, quæ in Decreto Sacrae Congregationis Concilii Tridentini continentur, cuius tenor est talis.

Congregatio Concilii censuit Superiores Regulares posse suo subdito itidem Regulari, qui prædictis qualitatibus requisitis, Ordines suscipere voluerit, literas dimissoriales concedere, ad Episcopum tamen Diocesanum, nempe illius Monasterii, in cuius familia, ab iis, ad quos pertinet, is Regularis positus fuerit; & si Diocesanus absuerit, vel non esset habiturus Ordinationes, ad quemcumque alium Episcopum, dum tamen ab Episcopo, qui Ordines contulerit, exequinetur quoad Doctrinam, & dum ipsi Regulares non distulerint de industria concessionem Dimissoriarum in id tempus, quo Episcopus Diocesanus, vel abfuturus, vel nullas habitaturus esset Ordinationis. Verum cum à Superioribus Regularibus, Episcopo Diocesano absente, vel Ordinationes non habente literæ dimissoriae dabuntur, in eis utique hujusmodi causam absentiae Diocesani Episcopi, vel Ordinationum ab eo non habendarum, exprimendam esse: quod qui non fecerint, Officii, & dignitatis, seu administrationis, ac vocis activæ, & passivæ privationis, ac alias arbitrio ejusdem Sanctissimi Domini Nostri Pape reservatas penas incurant.

Datum Romæ 15. Martii 1599.

In Regest. Conc. Trid. fol. 9.

A D N O T A T I O N E S .

1 **P**OENAS INCURRANT. Licet in Decreto clare dicatur, quod non possint Superiores Regulares Dimissorias Subditis concedere, quando de industria distulerint ad tempus, quo Ordinarius Diocesanus, vel abfuturus, vel nullas habiturus esset ordinationes: Attamen Passer. de stat. ho. 10. 3. q. 189. n. 816. dicit quod Superior Regularis si habeat causam rationabilem timendi reprobatio-

nem suorum subditorum, utpotè quia Diocesanus sit austerus, & supramodum rigidus, vel habeat Examinateores male affectos, possit tutè ex industria expectare tempus, in quo non sint habendaæ Ordinationes in Dicecesi, ut subditos extra Dicecesim dimittat Ordinandos, & alleget Tambur. de jur. Abb. 10. 2. q. 18. n. 6.

2. Item iste Author loco citato n. 818. addit, quod si Superiores dent Dimissorias pro Ordinibus suscipiendis ab alieno Episcopo, pœnas in Decreto commi-

da-

natas non incurant, ex eo quia verbum *incurrunt* non importat poenam latam: & quod tale Decretum unum tantum casum punit, non cæteros ibidem contentos.

3. Verum doctrina, seu sententia hujus Auctoris videtur eludere decretum: Etenim in meo Codice Decretum loquitur per verba imperativa --- *pœnas incurant*, quæ important pœnam latam, & non ferendam, ut docet Sayr. *de Censur. lib. 1. cap. 11. num. 8.* & cum meo Codice concordant Pac. Jord. *lib. 3. tit. 6. n. 24.* Barbol. *in Sum. decif. Apostolic. collect. 254. num. 14.* Nicol. *in flosc. verb. Regul. n. 34.* Concil. *Provinciale Neapolitanum editum anno 1700. in Appendice pag. 275.* Et quod pœnae hujus Decreti sint latæ sententiae, tenet in punto Ventr. *part. 1. adnot. 23. §. num. 33.*

4. Quod autem Decretum non tantum unum casum de Dimissoriis non concedendendis Episcopo non Diœcesano, sed etiam alios ibidem expressos, in quibus defecerint Superiores, puniat, patent legenti totum tenorem Decreti, & verba in fine posita, ibi -- *quod qui non fecerint*, in plurali non autem in singulari, ut male sibi fингit Passer. concepta sunt: Quodque pœnae ibidem infictæ sint Papæ reservatæ, patet ex verbis finalibus Decreti, & tenet Gav. *in Manual. Episc. verbo ordo in genere num. 36. & 37.*

5. Et quaterū per possibile pœnæ in Decreto contentæ non essent sententiae latæ, sed ferendæ (quod exp̄sē negatur,) possunt ne Superiores Regulares ex causis sibi placitis, & ex suspicione, aut opinione probabili, ac ingenio produc̄tis, & Legislatoriis declaratione non approbatis, illud impunē, & absque culpa contemnere, & eludere) Certe quod non, quia Decretum est Papale, eique contrafaciunt in re gravi, & ideo peccant mortaliter; nam Decreta Apostolica obligant in foro conscientiae ad illorum observantiam, Fagnan. *de communi in cap. Si quis n. 38. & 39. de Regular.*

6. Episcopi igitur non Diœcesani, rejiciant ordinandos Regulares, nisi eis constet Diœcesanos Ordinationes non tenere vel abentes, aut impeditos esse, per Attestationem Vicarii Generalis, aut Cancellarii, vel saltem per expressionem in litteris Dimissorialibus Superiorum faciendam, ut Decretum disponit.

7. Ac insuper pr̄ter hujusmodi attestationem, à Regularibus pro recipiendis Ordinibus Sacris Episcopo Diœcesano, vel non Diœcesano præsentatis, posset quoque (si placaret Ordinanti) exigi fidem Superiorum, dimissos professionem emisſe juxta præscriptum eorum Regule: Necnon juramentum manu propria Ordinandorum in actis Cancellariæ Ordinandis obsignatum registrandum, ipsos id sponte, & libera voluntate fecisse, aut ratum habuisse. Et hoc ac præcludendam yiam frequentibus reclamationibus super nullitate professionis ex capite, & prætextu vis illatæ, prout in Concil. Provincial. 2. tit. 1. Decret. 23. præscripsit Divus Carolus.

Clementis VIII. Confir. XCIX.

De erectione novorum Conventuum.

S V M M A R I V M .

- 1 Monialium Monasteria possunt trans-
ferri non solum, quando malorum
hominum periculis sunt obnoxia,
sed etiam ubi concurrit eadem ratio,
& n. 3. & 4.
- 2 Monialium Menasteria depauperata
debent uniri.
- 3 Moniales de uno ad aliud Monasterium
translatæ an teneantur denuo no-
vittare, referuntur DD. senten-
tiae, & n. 6.
- 7 In fundatione novi Conventus, diffen-
sus Reguliarium præexistentium non
attenditur, quoties irrationaliter
denegatur.

C L E -